

**LA EPISTOLA DEL APOSTOL SAN
PABLO A FILEMON
YA'A KUU CARTA JA NI CHAA
SAN PABLO APOSTOL NUU
FILEMON**

1 Máá-rí kúu Pablo, te kándee-ri vekqa ja sikí Jesucristo te jíín ñaní-yo Timoteo katájí-rí tutu yá'a nuu-ro Filemón, chaa mani jíín-rí kúu-ró, te chíndéé tá'an-ró jíín-rí.

2 Suni káchaa-ri tutu yá'a nuu Apia, ña'an maní jíín-ró, jíín núu Arquipo, chäa chíndéé tá'an jíín-rí sikí tíñu kándukú ndéé-rí yá'a, jíín núu tiku'ni kákandíja ío iní ve'e-ró jián.

3 Tu'un luu ío iní-ya jíín tú'un kuaká'nu iní ja kíi nuu máá Táa-yo Dios jíín já kíi nuu máá Jító'o-yo Jesucristo ná kóo jíín-ró jíná'an-ró.

4 Nákuatá'u-rí nuu Dios máá-rí, te nene núku'un iní-ri róó, nú jikán ta'u-rí nuu-yá.

5 Chi a jíni so'o-ri ja bueno kákundá'u iní-ro táká ñayiví ndóo, te kándíja va'a-ró núu máá Jító'o-yo Jesús.

6 Te jikán-ri nuu-yá nává'a nú kájani-ró tú'un te ná skándíja va'a-ró-i, te kuní kájí-i táká tiñu va'a káñavá'a-yó jíín Cristo Jesús.

7 Chi kákusií xáan iní-ri, te ká'io ndéé iní-ri, ja súan kákundá'u iní-ro-i, chi ja róó ñáni, te ni nani'in-gá iní añú ñayiví ndóo.

Ja ní ka'an Pablo ja'a Onésimo

⁸ Núsáá te vasa kuu chundéé iní-ri, sá'a Cristo, ja tá'ú-rí tiñu nuuq-ro núú, ja ná skíkuu-ró tíñu va'a,

⁹ chi sua va'q-ga ná ká'an ndaq'ú-ri jíín-ró já jíín síkí já maní-ro jíín-rí, jíín síkí já rúu kúu Pablo, chaa ni yii jíín já kándee-ri vekaa ja síkí Jesucristo.

¹⁰ Núsáá te ká'an ndaq'ú-ri jíín-ró já ná sá'a-ró túká'nu iní-ro núuq sé'e-ri Onésimo, chi a ni skándíja-ri-i nini kándee-ri vekaa.

¹¹ Te suchí yá'a, tú ní ní'in tíñu-i nuuq-ro sáá, ko vina, chi bueno ní'in tíñu-i nuuq-ro jíín núuq-rí.

¹² Te ná nátájí-rí-i najaq*a*-i nuuq-ro. Te kuatá'u-ró-i, nátu'un ruuq, chi iin-ni kákuu-ri jíín-i.

¹³ Te kúsíij iní-ri ja kúnchaq*a*-i jíín-rí te kuu-i yu'u núuq-ro kuátíñu-i nuuq-rí núú, nini kándee-ri vekaa ja síkí máá tú'un va'a.

¹⁴ Ko tú ní kuní-ri sá'a-ri súan, onde nú tú kuatú'un máá-ró, chi nasu stétuu-ri róó sá'a va'a-ró, chi sua síkí já játa'an iní-ro.

¹⁵ Chi sanaa te ja síkí yúán kúu ja ní jinu-i ni jito-i róó yakü tiempo ni sá'a-yä, návqa kuu naki'in-ró-i te ma siá tá'an-ró jíín-i níi káni.

¹⁶ Te ma káni-ga iní-ro já mozo kúu-i, chi va'a-ga koo-ró jíín-i vásá jíín mozo nátu'un maní-ro jíín iin ñani-ro, chi súan jáni iní-ri jíto-ri-i. Ko ví'i-gá kúu máá-i nuuq máá-ró ja síkí tá'an-ró kúu-i jíín já síkí máá Jíto'yo.

¹⁷ Núsáá te nú jiní máá-ró já cháa chíndéé tá'an jíín-ró kúu-ri, te ná kuatá'u-ró-i, nátu'un ruuq núsáá.

¹⁸ Te nú naqún falta ni sá'a-i jíín-ró, xí taú-i nuuq-ro, te síkí máá-rí ná chí'i-ró cuenta.

¹⁹ Máá-rí kúu Pablo, cháa-ri tutuq yá'a jíín ndá'a

máá-rí, te máá-rí chunáa. Súan ká'ₙ-an-ri lugar ja ká'ₙ-an-ri ja súni onde jíín máá-ró jíín añú-ro taú-ro núu-rí.

20 Jándáa ñáni, kuní-ri ja ná kúsii iní-ri sá'a-ró siₙki tíñu máá Jít'o'yo. Te ná náni'in-gá iní-ri sá'a-ró jíín máá Jít'o'yo.

21 Cháa-ri tutu yá'a nuu-ro, chi kúvá'a iní-ri ja kuándatu va'a-ró, te jiní-ri ja skíkuu-ga-ro vásá já ní ka'an-ri jíín-ro.

22 Te suni kuní-ri ja sátu'a-ró nú kúnchaa-ri, chi ñúkuu iní-ri kenda-ri yá'a te ja-a-ri nuu-ro, sá'a-yá jíín tú'un jikán ta'u-ro já'a-rí.

23 Te Epafras, chaa kándezee ta'ₙ jíín-rí veqaa yá'a ja siₙki Cristo Jesús, ká'ₙ-an-de ja násándéé iní-ro.

24 Te Marcos, Aristarco, Demas, jíín Lucas, chaa kásátiñu ta'an jíín-rí, suni súan kák'aₙ-de.

25 Tu'un luu ío iní máá Jít'o'yo Jesucristo ná koo iní-ro. Súan ná koo. Amén.

**Mixtec, San Miguel el Grande
New Testament in Mixtec, San Miguel el Grande
(MX:mig:Mixtec, San Miguel el Grande)**

copyright © 1951 Wycliffe Bible Translators, Inc.

Language: Mixtec, San Miguel el Grande

Translation by: Wycliffe Bible Translators, Inc.

Contributor: Bible League International

Mixteco, San Miguel el Grande [mig], Mexico

Copyright Information

© 1951, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mixtec, San Miguel el Grande

© 1951 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

v

please contact the respective copyright owners.

2025-05-14

PDF generated using Haiola and XeLaTeX on 14 May 2025 from source files

dated 14 May 2025

a7b2e4b3-7fe3-5b8e-b04c-0245065924f9